





# Акафист

## Священномученику Косьме Саратовскому

### Кондак 1

Избранный от труда земледельческого, будучи сеятель хлеба насущного, в сеятели Хлеба Животного, иже есть Слово Божие, не убоился ни гонений, ни прещений безбожной власти, иже тщашася веру Православную в Российской стране истребити, до смерти верен Христу пребыл еси, отче наш Косьмо, подобен Пастыреначальнику и Господу нашему воистину пастырь доблий явился еси. Сего ради ублажаем тя сице:

Радуйся, священномучениче Косьмо, похвало Земли Саратовския!

### Икос 1

Ангелов Творец, предуведев веру добрую и чистого сердца твоего изволение, святой отче Косьмо, во дни лютых гонений избра ты в пастыри народу нашему, имже до смерти верен пребывал еси и венцом исповедническим благочестно увенчан еси. Сего ради ублажаем тя похвалами сими:

Радуйся, верный пастырю стада Христова,  
Радуйся, святыня Православныя Церкви,

Радуйся, Земли Саратовския отрада и утверждение,  
Радуйся, исповедников похвало.  
Радуйся, на небесех о нас добрый предстоятелю!  
Радуйся, земли и Церкви нашей славный защитителю!  
Радуйся, священномучениче Косьмо, похвало Земли Саратовския!

### **Кондак 2**

Видев, яко Церковь Христова попираема от безбожной власти пребывает, не стерпел еси поругания Православныя веры, славный отче Косьмо, делом верность Православию подтверждая. Сего ради и сан священнический, как залог венца исповеднического приял еси, вопия Богу: Аллилуйя!

### **Икос 2**

Разум неуразуменный дал тебе Господь наш Иисус Христос, к славному подвигу пастырского служения тебя предуготовляя. Аще бо грамоте книжной и не научен быв, сам устав Богослужебный добре изучил еси, образ пастырям и всем ревнующим о Православии был еси. Сего ради по праву вопием ти:  
Радуйся, Православия исповедниче.  
Радуйся, благодати всех мучеников причастниче.

Радуйся, добрый помощник всем ищущим  
вразумления.

Радуйся, ревностный проповедниче Христова  
учения.

Радуйся, всех заблуждений обличителю!

Радуйся, всем ищущим ума Христова доблей  
на учителю!

Радуйся, священномучениче Косьмо, похвало  
Земли Саратовския!

### **Кондак 3**

Силу духовную неодолимую дал Тебе Христос  
Бог наш, пастырю добрый Косьмо, иже не  
смогли одолеть служители безбожнныя власти,  
иже тщались людей земли нашея от Христа  
отвратити. Сего ради и нам подаждь от  
духовного елея твоего, да вопием вместе с тобою  
Богу: Аллилуйя!

### **Икос 3**

Имеяше воистину от Ангелов тебе песнь с неба  
воспеваема быти, а не от земли, славный наш  
отче Косьмо, на земле за Христа добре  
подвизался еси, ныне на небеси вместе с Ангелы  
Тому предстоиши. Сего ради, как верный  
пастырь стада Христова, прими от нас похвалы  
сия:

Радуйся, славный за Христа воителю,

Радуйся, на небесах Тому предстоятелю,

Радуйся, святых Ангел сожителю,  
Радуйся, небесных благ нам добрый ходатаю.  
Радуйся, на небеса наш доблестный  
путеводителю!  
Радуйся, в Христово Царствие Путь верным  
указуяй!  
Радуйся, священномучениче Косьмо, похвало  
Земли Саратовския!

#### **Кондак 4**

Буря недоумения смущает ми ум, како достойно  
есть пети подвиг твой, святой отче Косьмо. Ты  
во дни гонений лютых, когда все люди русские  
плакася горько, восклицая: «Увы всем нам!  
Неужели погибла Россия?» и видя, како вера  
Православная от звероподобных мучителей  
поругаема страшно бывает, не убоялся, ниже  
смутился духом, но веру до конца сохранил еси,  
вопия Богу: Аллилуйя!

#### **Икос 4**

Видяще овцы словесной пажити твоея, славный  
отче Косьмо, твое твердое Православия  
исповедание, егоже ни прещения, ни гонения  
безбожной власти поколебать не смогли еси,  
укреплялися духом, твердое основание веры  
своея в исповедничестве твоём полагая. Сего  
ради с ними и мы, грешнии, ублажаем тя  
словесами:

Радуйся, непоколебимый Православия  
исповедниче,  
Радуйся, похвало Христовой Церкви.  
Радуйся, образе пастырей,  
Радуйся, охранителю Христовых нравов.  
Радуйся, обычаев и нравов злых искоренителю!  
Радуйся, всех добрых в земле нашей  
насадителю!  
Радуйся, священномучениче Косьмо, похвало  
Земли Саратовския!

### **Кондак 5**

Богоносный пастырь воистину явился еси  
словесным овцам твоим, исповедниче отче  
Косьмо, во дни гонений лютых, падающих  
воздвизая, малодушных утешая, неведущих  
вразумляя, маловерных в вере укрепляя, всем  
воистину во всем помощник явился еси. Сего  
ради вопием о тебе Богу: Аллилуйя!

### **Икос 5**

Слышаша и ведуща тя, исповедниче отче  
Косьмо, славного проповедника Православия,  
гнусные защитники безбожной власти сея  
распыхався на тя злобою, воистину обличения  
безбожия их и утверждение веры Православной  
в тебе добре ведуще. Сего ради тебя, аки и  
многих ревнителей Православия, в темницу  
неправедно ввергли еси, венец мученический

тебе уготовляя. Сего ради ублажаем тя:  
Радуйся, до смерти Христу верность  
сохранивший!  
Радуйся, от безбожных власти пострадавший,  
оболганный и убиенный!  
Радуйся, неправедных власти обличение,  
Радуйся, Православия прославление и  
утверждение,  
Радуйся, жизнь свою за Православную веру  
отдавший,  
Радуйся, самого себя в жертву чисту, святу,  
непорочну Господину Жатвы принесый.  
Радуйся, священномучениче Косьмо, похвало  
Земли Саратовския!

### **Кондак 6**

Проповедует Церковь тебе, священномучениче  
Косьмо, яко славного защитника Православия,  
даже до крови и самой смерти Христа  
исповедывавшего и чистоту веры соблюдшего.  
Сего ради мы, младшии братия твои, вопием о  
тебе Богу: Аллилуйя!

### **Икос 6**

Возсиял еси в Земле Саратовской,  
священномучениче Косьмо, аки утверждение  
непоколебимое Православных Церкви: умом,  
словом и делом за Православие добре  
подвизался еси. Сего ради мы вседушно

прославляем тя званиими сими:  
Радуйся, утверждение Земли Саратовския,  
Радуйся, Православной Церкви похвало,  
Радуйся, Земли Саратовския очищение,  
Радуйся, безбожия и суеверия в ней  
искоренение.  
Радуйся, залог в ней Православной Церкви  
возрождения!  
Радуйся, всех верных христиан увеселение!  
Радуйся, священномучениче Косьмо, похвало  
Земли Саратовския!

### **Кондак 7**

Хотя в годы лютых гонений, святой отче  
Косьмо, сохранить Православную веру в земле  
нашей, добрый защитник и охранитель  
Православия явился еси. Сего ради во веки  
свещильник Христовой Церкви утвердился еси,  
подвизая нас вопити о тебе Богу: Аллилуйя!

### **Икос 7**

Нового защитителя и проповедника  
Православныя веры ведуем тя, славный отче  
Косьмо, яко до самой смерти веру Христову на  
Родине нашей исповедал еси и кровью своей  
исповедание свое запечатлел еси. Сего ради и  
ныне, на небесех Царю всех предстоя,  
хлопочеши нам, братьям меньшим твоим, до  
самой своей кончины оставаться верным

Святой Православной Церкви. Сего ради благодарно вопием ти:

Радуйся, упование наше непоколебимое.

Радуйся, утверждение Православия.

Радуйся, пастырю предобрый,

Радуйся, исповедниче предивный.

Радуйся, в ограду Православной Церкви приводяй!

Радуйся, всех верных чад Христовой Церкви тем увеселяй!

Радуйся, священномучениче Косьмо, похвало Земли Саратовския!

### **Кондак 8**

Странное людям безбожным суетного века сего было дивное житие твое, славный отче Косьмо: как, все земное стяжание свое отдав и звания сеятеля хлеба земного отрешився, сеятель Хлеба Небесного прибыл еси, не токмо ничего своего не жалея, но и саму жизнь за Христа полагая. Сего ради слышаши от всех верных: Аллилуйя!

### **Икос 8**

Весь еси всем воистину пастырь добрый явился еси, славный мучениче Косьмо, не токмо делом, но и самим житием своим верныя чада Церкви во Православии утверждая. Сего ради отныне все вернии ублажают тя:

Радуйся, образе пастырям предивный,

Радуйся, наставниче премудрый,  
Радуйся, мудрецов суетного века сего простотой  
учения евангельского обличивый!  
Радуйся, саму жизнь за него, яко жертву чисту,  
святу, непорочну, на алтарь Христов  
возложивый!  
Радуйся, овец своих словесных в истиннем  
учении утвердивый,  
Радуйся, аки Добрый Пастырь, душу свою за  
них положивый.  
Радуйся, священномучениче Косьмо, похвало  
Земли Саратовския!

### **Кондак 9**

Вси философы суемудренные и безбожнныя не  
разумеют, отчего во дни нашествия  
иноплеменных, грех ради наших на Землю  
Русскую Богом попущенного, безбожная власть  
лютые гонения на веру Христову ослабиша,  
попуская верным храмы поруганные открывати  
и службы в них совершати. Не ведяща бо, яко  
сила молитв новомучеников и исповедников  
российских о братьях своих, в гонениях сущих,  
сие сотвори, дабы вси на земли и на небеси  
прославиша Бога: Аллилуйя!

### **Икос 9**

Вития суесловные века сего, не ведаша  
премудрости Божией, не могут вместити, како

во дни беды народной верные сыны России на  
защиту поруганной от безбожной власти Родины  
своя восста, от порабощения иноземного ее  
защищая. Сего ради и Саратовская Земля  
жертву свою принесет. И – о чудо – двадесять и  
восемь богатырей наших сорок чудищ стальных  
останови, плоть и дух свой крепче стали  
соделав. Сей подвиг славный в день памяти  
кончины твоея, святой отче Косьмо, руками  
славных российских сынов совершив,  
Подвигоположник Господь чудное знамение  
показа, дивное заступление твое и иных  
новомучеников и исповедников российских за  
Родину земную свою знаменуя. Сего ради мы,  
соотечественники твои, вопием ти:  
Радуйся, Земли Саратовския и Всея России  
молитвенное ограждение,  
Радуйся, Православия в ней защищение и  
утверждение,  
Радуйся, всех воюющих за правду  
споспешниче,  
Радуйся, помощник нам во бранех на  
сопротивных.  
Радуйся, совопросников суетного века сего  
удивление и посрамление!  
Радуйся, наше молитвенное в разуме Христовом  
утверждение!

Радуйся, священномучениче Косьмо, похвало  
Земли Саратовския!

### **Кондак 10**

Спасти хотящим душу свою всем воистину  
помощник явился еси, славный  
священноисповедниче Косьмо, всех в  
Православии назидая, от суеверия и обольщений  
века сего сохраняя, в Истине, иже есть Христос  
Бог наш, утверждая и подвизая всех верных  
вопити о тебе Богу: Аллилуйя!

### **Икос 10**

Стена еси всем верным чадам Православныя  
Церкви заступление твое, славный мучениче  
Косьмо. Яко сам во дни лютых гонений пребыл  
еси до конца верен святой Апостольской  
Православной Церкви, тако и ныне, на небесех  
Господу всех предстоя, ходатайствуеши о всех  
ищущих Пути спасения. Сего ради ублажаем тя:  
Радуйся, наше истинное в вере православной  
утверждение!

Радуйся, всех с верой несогласных обличение и  
низвержение!

Радуйся, богатство веры Православныя  
неистощимое,

Радуйся брашно нескончаемое жаждущим  
живота вечного,

Радуйся, колодезю неисчерпаемый воды живой,

Радуйся, светильник веры Православной, всем горяй и светяй.

Радуйся, священномучениче Косьмо, похвало Земли Саратовския!

### **Кондак 11**

Пение о тебе непрестанно Богу приносим, отче святой: во дни гонений лютых, иже отступление страшное в народе православном свершилось и стадо Христово, грех ради наших, попираемо и уничтожаемо от неверных бысть, до конца верен пребыл еси Христу и Его Православной Церкви, вопия Богу: Аллилуйя!

### **Икос 11**

Светоносному лучу и светильнику горящу было подобно славное житие твое, Священномучениче отче Косьмо. Во дни всеобщего оболъщения верен евангельскому Свету Истины до конца пребыл еси, заставляя на небесех и на земли воспевати тебе:

Радуйся, светильниче, нам в Царствие Небесное Путь указующий!

Радуйся, нам уклоняться от Пути истинного, иже есть Христос Бог наш, грозно возбраняющий!

Радуйся, твердый Православия исповедниче!

Радуйся, Церкви драгоценный адаманте!

Радуйся, Православия поборниче!

Радуйся, веры Православной защитниче!

Радуйся, священномучениче Косьмо, похвало Земли Саратовския!

### **Кондак 12**

Благодать, данную тебе в священстве, обильно умножил еси, исповедниче отче Косьмо, всех верных в ограде Святой Православной Церкви сохраняя и даже до конца жития своего верен Истине пребыл еси, сего ради и ныне на небесех достойно веселишися, поя всех подателю Богу: Аллилуйя!

### **Икос 12**

Поя славное житие твое, святыи мучениче отче Косьмо, ныне вседушно тя прославляем, яко доброго защитника Православия и славного исповедника Христова. Сего ради прими от нас, немощных, похвалы сия:

Радуйся, Православной Церкви верный служителю,

Радуйся, всех христианских мучеников благодати причастниче,

Радуйся, добрый пастырю стада Христова!

Радуйся, мысленных от волков от него отгонителю и истребителю!

Радуйся, святых Ангел сожителю,

Радуйся, о нас, немощных, к Творцу Богу славный ходатаю.

Радуйся, священномучениче Косьмо, похвало Земли Саратовския!

### **Кондак 13**

О, пречудный и преславный отче Косьмо, похвало Земли Саратовския и Всея Церкви Православныя украшение! Прими от нас похвалы сия, по долгу тебе приносимыя, и не остави ходатайством твоим у Престола Владыки всех нас грешных, вопиющих о тебе Богу:

Аллилуйя!

Сей Кондак глаголи трижды, затем Икос 1 и Кондак 1

